

LEKSYON 5

ANG MGA BASAHON SA DAANG PAKIGSAAD

Ika-52 nga Buluhaton

Ang labing maayong pa-
agi sa pagkat-on sa mga
basahon sa Biblia mao
ang pagbahinbahin niini.
Pormaha ang imong
kamot ug kopyaha kining
hulagway





Ang Mga Basahon sa Daang Pakigsaad

Daang Pakigsaad

Ika-53 nga Buluhaton

- 5 ka mga basahon sa Kasugoan
 12 ka mga basahon sa Kasaysayan
 5 ka mga basahon sa Balak
 5 ka mga Tag-as nga basahon sa Panagna, kon Propeta Mayor
 12 ka mga mugbo nga basahon sa Panagna, kon Propeta Minor
 39 tanan ka basahon

Dunay sinunodsunod nga lista sa mga ngalan sa mga basahon sa Biblia nga anaa makita sa dapit sa unang mga pahina sa imong Biblia. Bahin-bahina kining mga ngalan sa mga basahon pinaagi sa paglinya niini. Tan-awa ang chart sa sunod pahina ug himoa kining gabayan sa imong pagbuhat niini.

KASUGOAN	KASAYSAYAN	BALAK
Genesis Exodo Levitico Numeros Deuteronomio	Josue Mga Maghuhukom Ruth 1 ug 2 Samuel 1 ug 2 Mga Hari 1 ug 2 Mga Cronicas Esdras Nehemias Esther	Job Mga Salmo Proverbio Ecclesiastes Awit ni Salomon



PROPETA MAYOR	PROPETA MINOR
Isaias	Oseas
Jeremias	Joel
Lamentaciones	Amos
Ezekiel	Abdias
Daniel	Jonas
	Miqueas
	Nahum
	Habacuc
	Sofonias
	Haggeo
	Zacarias
	Malaquias



Daang Pakigsaad

Ang Genesis, Exodo, Levitico, Numeros ug Deuteronomio (Mga Basahon sa Kasugoan) gingalan ug "Pentateuch" nga nagakahulogan nga "lima ka mga basahon."

Ika-54 nga Pangutana

Unsa may gingalan nato sa Genesis, Exodo, Levitico, Numeros ug Deuteronomio?

- Ang Pentecostes
- Ang Pentagon
- Ang Pentateuch

Tubag 54



Ang Mga Basahon sa Daang Pakigsaad

Ang Pentateuch

Ang Pentateuch sinulat ni Moises, ang bantugang pangulo sa mga Israelinhon. Usahay ginatawag nato kini sila nga ang "Lima ka mga Basahon ni Moises."

Ika 55 nga Pangutana

Kinsa man ang nagsulat sa Genesis, Exodo, Levitico, Numeros, ug Deuteronomio?

- Ang mananaug nga si Josue
- Si Pablo nga Apostol
- Si Lucas nga hinigugmang Mananambal.
- Si Moises nga bantugang pangulo sa mga Israelinhon

Tubag 55

Mga Basahon sa Kasugaoan

Ang Pulong "Genesis" nagakahulogan nga "sinugdanan" "kagikan". Nagahisgut ang Genesis sa gigikanan sa tawo, sa kalibutan, sa sala ug sa paglukat sa Dios.

Ika-56 nga Pangutana

Asa niining lima ka mga ngalan sa basahon ang nagakahulogan nga sinugdanan o gigikanan?

- Genesis
- Exodo
- Levitico
- Numeros
- Deuteronomio

Tubag 56





Mga Basahon sa

Kasugaoan

Ang Exodo nagakahulogan nga “Pagpanggawas.” Nagahisgut kini kon giunsa sa mga katawhan sa Dios paggawas gikan sa ilang pagkaulipon sa Ehipto. Pangitaa ang Exodo sa imong Biblia.

Ika-57 nga Pangutana

Asa niining libroha sa Pentateuch ang nagahisgut mahitungod sa pagpanggawas sa mga Israelinhon?

- a) Genesis
- b) Exodo
- k) Levitico
- d) Numeros
- e) Deuteronomio

Tubag 57



Mga Basahon sa

Kasugaoan

Ang mga pari nga Hebreohanon nagagikan sa tribo ni Levi. Ang basahong Levitico nagapahayag mahitungod sa ilang mga buluhaton ug sa mga paghalad nga ilang pagahimoon.

Ika-58 nga Pangutana

Unsang libroha ang nagapahayag mahitungod sa mga pari ug sa mga halad?

- a) Genesis
- b) Exodo
- k) Levitico
- d) Numeros
- e) Deuteronomio

Tubag 58



Mga Basahon sa Daang Pakigsaad

Mga Basahon sa

Kasugoan

Ang basahon nga Numeros gitawag sa maong ngalan tungod kay nagahisgut man kini sa duha ka census kon pag-ihap sa gidaghanon sa mga Hebreohanon. Gikinahanglan kini alang sa usa ka bag-ong nasud.

Ika-59 nga Pangutana

Ang unang lima ka mga basahon diha sa Biblia mao ang

G

E

L

N

Deuteronomio

Tubag 59

Mga Basahon sa

Kasugoan

Sa hapit na mamatay si Moises naghatag siya sa iyang katapusang pakigpulong, nga mao ang pagsubli sa mga kasugoan sa Dios. Makita nato kini sa Deuteronomio, nga nagapasabot nga “ika duhang kasugoan.”

Ika-60 nga Pangutana

Isulat ang mga ngalan sa lima ka mga basahon sa Kasugoan ug badlisi ang usa niini nga nagakahulogan “ikaduhang kasugoan.”

Tubag 60



Mga Basahon sa

Kasugaoan

Gawas sa mga balak sa Dios ang Pentateuch nagalakip usab sa mga importanteng hitabo sa kasaysayan sa mga katawhan sa Dios sulod sa 2,000 ka mga tuig.

Ika-61 nga Buluhaton

Pagbansay ug pangita sa lima ka mga basahon ni Moises diha sa imong Biblia. Sunod-sunora ang pagpakli sa lima ka mga basahon. Takpi una ang imong Biblia sa matag pakli mo ngadto sa matag basahon. Padayona ang pagbansaybansay hangtud dali ka nang makapakli sa matag usa niining lima ka mga basahon.



Mga Basahon sa

Kasaysayan

Ang napulog-duha ka mga basahon sa kasaysayan mao kini: Josue, Mga Maghuhukom, Ruth, 1 ug 2 Samuel, 1 ug 2 Mga Hari, 1 ug 2 mga Cronicas, Esdras, Nehemias, Ester.

Ika-62 nga Buluhaton

Kopyaha ang lista sa mga basahon sa Kasaysayan. Pagbutang ug papel diha sa taliwala sa Deuteronomio ug Josue ug laing papel sa taliwala sa Ester ug Job. Unya pagbansay dayon ug pakli sa matag usa sa mga basahon sa Kasaysayan.





Mga Basahon sa Daang Pakigsaad

Mga Basahon sa

Kasaysayan

Si Josue, ang heneral nga mipuli kang Moises, mao ang mi-buntog sa mga katawhan sa yuta sa Canaan ug nahimong unang maghuhukom. Ang basahon ni Josue nagahisgot mahitungod sa maong pakig-away.

Ika-63 nga Pangutana

Asa niining mga libroha ang nagadala sa ngalan sa tawong nakabuntog sa Canaan?

- Josue
- Maghuhukom
- Ruth
- Samuel
- Mga Hari
- Mga Cronicas
- Esdras
- Nehemias
- Ester

Tubag 63

Mga Basahon sa

Kasaysayan

Ang Mga Maghuhukom nagalangkob sa 400 ka tuig sa kapildihan ug kadaugan sa Canaan: kapildihan sa dihang ang mga katawhan nakalimot na sa Dios, ug kadaugan sa dihang naghinulsol sila ug ang Dios magabangon ug mga maghuhukom nga maoy magapaling kawas kanila gikan sa ilang mga kaaway

Ika-64 nga Pangutana

Ang ikaduhang basahon sa Kasaysayan nagahisgut mahitungod sa

- unang 2,500 ka mga tuig sa kasaysayan sa tawo.
- 400 ka mga tuig ilalum sa mga Hari sa Ehipto.
- 400 ka mga tuig sa Canaan ilalum sa mga maghuhukom.
- pagdumala sa mga Emperador sa Roma.

Tubag 64



Mga Basahon sa

Kasaysayan

Ang basahon nga Ruth nagahisgut mahitungod sa matahom nga Moabitanhon sa panahon sa mga Maghuhukom kinsa nahimong usa sa mga kagikanan ni David ug usab ni JesuCristo.

Ika-65 nga Pangutana

Ang kasaysayan mahitungod sa kinabuhi ug sa pagkakabig sa usa ka Moabitanhon nga nahimong usa sa mga katigulangan ni David makita diha sa basahon nga

- a) Esdras
- b) Ester
- k) Nehemias
- d) Samuel
- e) Mga Maghuhukom
- g) Ruth

Tubag 65

Mga Basahon sa

Kasaysayan

Ang 1 ug 2 Samuel nagahisgut mahitungod sa pagsugod sa Gingharian sa Israel. Mitabang si Samuel sa paghimo niini. Siya usa ka sacerdote, propeta, magtutudlo, ug katapusan sa mga maghuhukom.

Ika-66 nga Pangutana

Nganli ang unang napulo ka mga basahon diha sa Biblia

- G
- E
- L
- N
- D
- J
- Mga M
- R
- 1 S
- 2 S

Tubag 66



Mga Basahon sa Daang Pakigsaad

**Mga Basahon
sa Kasaysayan**

Ang 1 ug 2 mga Hari ug ang 1 ug 2 Mga Cronicas nagalangkob sa mas taas nga panahon ug nagabaton sa mas daghang mga ngalan sa mga katigulangan sa Israel.

**Ika-67 nga Buluhaton
ug Pangutana**

Itandi ang unang lima ka mga kapitulo sa 1 Mga Hari ug sa I Mga Cronicas. Asa niining duha ka basahon ang nagahatag ug mas daghang mga ngalan sa mga katigulangan sa Israel?

- 1 Mga Hari
- 1 Mga Cronicas

Tubag 67



**Mga Basahon
sa Kasaysayan**

Gigamit sa Dios si Esdras, usa ka sacerdote ug is Nehemias, nga usa ka principe, aron sa pagpangulo sa mga Hebreohanon balik sa ilang pinuynanan sa Canaan human sa ilang pagkabinihag didto sa Babilonya. Nagtabang sila sa pagtukod pag-usab sa nasud sa Israel.

Ika-68 nga Pangutana

Gigamit sa Dios si Esdras aron pagpangulo sa usa ka espirituhanong pagkapukaw sa Jerusalem

- human sa ilang kagawasan gikan sa Ehipto.
- sa panahon sa pagpakig-away ni Josue didto sa Canaan.
- human sa kagawasan sa mga Hebreohanon gikan sa pagkabinihag sa Babilonya.

Tubag 68



Mga Basahon sa Kasaysayan

Gidihogan sa Dios si Esdras aron sa pagsulat ug sa pagtigum sa balaang mga sinulat nga maoy nahimong Daang Pakigsaad. Aduna siyay mga kopya sa Kasulatan nga gipahimo aron makabasa ang mga katawhan sa pulong sa Dios.

Ika-69 nga Pangutana

Ang tibook listahan sa mga basahon nga nahimong Daang Pakigsaad, nahingpit human sa kamatayon ni Esdras. Mahinumdoman nato si Esdras tungod sa iyang mahinungdanong buhat sa

- a) Pagtipon sa tanang mga basahon sa Daang Pakigsaad sa iyang panahon.
- b) Pagsulat sa Pentateuch.

Tubag 69

Mga Basahon sa Kasaysayan

Ang basahon nga Ester nagahisgut mahitungod sa pagamit sa Dios kang Reyna Ester, usa ka mananaug sa bangga sa katahum, aron pagluwas sa mga Hebreohanon gikan sa kamatayon sa panahon sa ilang pagkabinihag.

Ika-70 nga Pangutana

Ang ulahing tulo ka mga basahon sa kasaysayan nagahisgut mahitungod sa pagpanalipod sa Dios sa mga Hebreohanon sa panahon sa ilang pagkabinihag ug sa ilang pagbalik gikan sa Babilonya. Kining tulo ka basahon mao ang

- a) Esdras, Nehemias, Ester
- b) 1 ug 2 Samuel, 1 mga Hari
- k) Josue, Mga Maghuhukom, Ruth.

Tubag 70



Mga Basahon sa Daang Pakigsaad

Pagbutang ug papel ingon nga timaan sa taliwala sa Deuteronomio ug Josue ug usa usab taliwala sa Ester ug Job. Pagbansay ug pakli sa mga basahon nga nahisulod sa mga timaan.

Ika-71 nga Buluhaton

Isulat ang mga ngalan sa unang 17 ka mga basahon sa Biblia sa walay pagtan-aw sa listahan. Ug unya itandi sa listahan. Paghangyo ug usa ka higala nga maoy mobasa ug basahon gikan sa listahan ug imong pakli-on ang imong Biblia ngadto sa maong basahon aron nasayran mo unsa ka dali nimo kining makita.



Mga Basahon sa Balak

Ang Job, Proverbio, Ecclesiastes, Awit ni Solomon, maoy mga libro sa Hebreohanon nga binalak. Adunay mga balaknon nga bersikulo diha sa ubang basahon usab sa Biblia.

Ika-72 nga Pangutana

Ang Job, Mga Salmo, Proverbio, Ecclesiastes, Ug Awit ni Solomon maoy mga basahon sa

- kasaysayan sa mga Hebreohanon
- Hebreohanon nga mga Balak
- Ininglis nga mga Balak
- Kasugoan

Tubag 72



Ang Mga Basahon

sa Balak

Ang Job maoy usa ka drama nga nagahulagway mahitungod sa pangutana kon nga-nong dunay mga ta-wong matarung nga nag-antus. Kining basahona gitooan nga maoy labing unang basahon sa Biblia nga nasulat.

Ika-73 nga Pangutana

Ang pangutana “Nganong magaanus man ang ta-wong Matarung?” maoy dugokan sa basahong

- a) Esdras
- b) Nehemias
- k) Ester
- d) Job
- e) Mga Salmo.

Tubag 73

Ang Mga Basahon

sa Balak

Ang mga Salmo maoy mga awit nga naga-langkob sa Hebreohanong alawiton. Daghan niining mga awita gisulat ni Haring David, usa ka bantogang musikero. Wala nay laing binalak nga makalabaw sa kaanindot niini.

Ika-74 nga Buluhaton ug Pangutana

Pangitaa ang alawiton sa mga Hebreohanon nga anaa sa tungatunga sa imong Biblia. Pila ba ka mga Salmo o Mga Awit ang anaa niini?

- a) 50
- b) 150
- k) 225
- d) 300

Tubag 74



Mga Basahon sa Daang Pakigsaad

Mga Basahon sa Balak

Si Solomon nga anak ni David ug maoy ika-tulong hari sa Israel, mao ang labing maalam nga tawo nga nahimugso niining kalibutana. Siya maoy nagsulat sa mga Proverbio, Ecclesiastes ug Awit in Solomon.

Ika-75 nga Pangutana

Niadtong panahon sa pagsulat sa mga basahon nga Hebreohanon

- a) Gisulat ni David ang mga Salmo, mga Proverbio ug ang Ecclesiastes
- b) Gisulat ni Solomon ang mga Proverbio, Ecclesiastes ug ang Awit ni Solomon
- k) Gisulat ni Solomon ang Ester ug ang Job.

Tubag 75

Mga Basahon sa Balak

Gisulat ug gitigum ni Solomon ang mga Proverbio aron pagtudlo sa mga batan-on sa pagkinabuhi sa maayo ug malamposon nga kinabuhi, kini maoy usa sa mga "basahon sa kaalam"

Ika-76 nga Pangutana

Asa niining mga Basahon sa Balak nga nagatudlo sa mga batan-on sa pagkinabuhi nga malamposon?

- a) Job
- b) Mga Salmo
- k) Mga Proverbio
- d) Ecclesiastes
- e) Awit ni Solomon

Tubag 76

**Mga Basahon sa Balak**

Ang basahon nga Ecclesiastes maoy pag-pamatuod ni Solomon kon unsa ka haw-ang ang kinabuhi nga walay Dios. Ang mga kalipayan, salapi, kalampanan ug gahum dili maoy makatagbaw. Gibuhat ang tawo aron pag-alagad sa Dios.

Ika-77 nga Pangutana

Nagahisgut ang Ecclesiastes sa mga matuod nga mga butang ug nagatudlo nga

- a) Ang pagkadatu magadala ug kalipay.
- b) Ang pagpamuhat alang sa uban magadala ug kalipay.
- k) Gibuhat sa Dios ang tawo aron sa pag-alagad kaniya ug ang Dios ra gayud ang makatagbaw sa tawo.

Tubag 77

Mga Basahon sa Balak

Ang Awit ni Salomon sama sa usa ka drama nga awit. Nagahisgut kini mahitungod sa panaghigugmaay sa pangasaw-onon ug pamanhonon ug kini nagahulagway sa gugma sa Dios alang sa iyang mga katawhan.

Ika-78 nga Pangutana

Ilista ang mga basahon sa mga Balak. Linyahi ang Awit sa gugma nga nagahulagway sa Dios ug sa iyang mga katawhan, o kang Cristo ug sa Iglesia.

Tubag 78



Mga Basahon sa Daang Pakigsaad

Mga Basahon

sa Panagna

Gipakita sa Dios ang mga propeta ug mga panan-awon sama sa mga sine kon unsay mahitabo sa umalabot. Gisulat sa mga propeta kining mga gipadayag sa Dios ug gihatag ngadto sa mga tawo ang mensahi sa Dios.

Ika-79 nga Pangutana

Ang mga basahon sa Panagna, nagasulti sa tukma gayud mahitungod sa umalabot sa daghang mga nasud tungod kay kining mga propeta

- nagamit ug pag-diwata.
- nagatooon sa mga politikanhang dagan sa usa ka nasud ug ilang gitagna kon unsay mahitabo sa umalabot niini.
- Nakadawat ug mga panan-awon gikan sa Dios.

Tubag 79

Mga Propeta Mayor

Ang mga **Propeta Mayor** gitawag sa ingon tungod sa gitason sa ilang mga basahon sa taas nila nga mga ministryo, ug sa ilang dakung kalabutan sa mga kanasuran.

Ika-80 nga Buluhaton

Pangitaa ang mga basahon sa mga propeta mayor diha sa imong Biblia nga mao ang Isaias, Jeremias, Lamentaciones, Ezekiel, ug Daniel. Ang tanang mga sinulat sa mga propeta minor tiponon dili makalabaw sa gitason sa basahon ni Isaias. Pagtoon ug pakli sa imong Biblia niining mga basahon sa mga propeta mayor.





Mga Propeta Mayor

Pito ka gatus ka tuig sa wala pa matawo si Jesus gitagna na ni Isaias ang iyang pagpakatawo, pinaagi sa usa ka birhen, ang iyang pagpakamatay alang sa atong mga sala, ug Iyang pagkabanhaw.

Ika-81 nga Pangutana

Kinsa sa mga propeta mayor ang nagpuyo mga pito ka gatus ka tuig sa wala pa si Cristo ug nagtagna mahitungod sa mahitabo sa umalabot nga natuman diha sa kinabuhi ni JesuCristo?

- Isaias
- Jeremias
- Ezekiel
- Daniel

Tubag 81

Mga Propeta Mayor

Ang Isaias ug Jeremias nagatagna sa pagkabinihag sa mga Hebreohanon ilalum sa nasud sa Babilonya. Ug gisulat ni Jeremias nga human sa 70 ka tuig nga pagkabinihag ang Hebreohanon makabalik ngadto sa ilang kaugalingong nasud.

Ika-82 nga Buluhaton

Ang mga tagna ni Isaias gisulat mga 100 ka tuig sa wala pa ang pagkabinihag. Basaha ang Isias 44:28; Jeremias 25:11; ug 2 Mga Cornicas 36:22. Ang Mando ni Ciro gihatag 70 ka tuig human ang Hebreohanon nga pagkabinihag sa Babilonya, sama sa gitagna ni Jeremias.





Mga Basahon sa Daang Pakigsaad.

Mga Propeta Mayor

Nakita ni Jeremias ang daghang mga panagna nga nangatuman sa dihang nagun-ob ang Jerusalem. Iya kining gihulagway diha sa lima ka makasusubo nga balak nga gitawag ug Lamentaciones.

Ika-83 nga Pangutana

Asa niining mga libroha sa balak ang gisulat ni Jeremias mahitungod sa Jerusalem nga gilista kauban sa mga propeta mayor inay kauban sa mga basahon sa mga balak?

- a) Proverbio
- b) Ecclesiates
- k) Jeremias
- d) Lamentaciones

Tubag 83

Mga Propeta Mayor

Si Ezequiel ug Daniel maoy mga propeta sa panahon sa pagkabinihag. Sila nagpanagna ngadto sa mga Hebreohanon sa panahon sa 70 ka tuig sa ilang pagkabinihag sa Babilonya.

Ika-84 nga Pangutana

Ang mga propeta nga nahiuban sa mga binihag didto sa Babilonya ug nanagwali ngadto sa mga Hebreohanon nga naganbihag mao sila si

- a) Isaias ug Jeremias
- b) Ezequiel ug Daniel
- k) Oseas, Joel ug Amos
- d) Jonas, Miqueas, ug Nahum.

Tubag 84

**Mga Propeta Mayor**

Si Daniel usa ka binihag nga Hebreohanong principe. Nahimo siyang primeyer sa dakung emperyo sa Babilonya. Ang iyang tukma nga panagna mahitungod sa pagtaas ug pagkapukan sa nagkalainlaing emperyo makapatingala gayud kaayo.

Ika-85 nga Pangutana

Isulat ang mga ngalan sa lima ka mga libro sa mga propeta mayor. Badlisi ang ngalan sa binihag nga principe nga nahimong primeyer.

Tubag 85

Mga Propeta Minor

Ang unang siyam ka mga propeta minor nanagpuyo sa wala pa ang pagkabinihag. Ang naulahing tulo nanagpuyo human makabalik ang mga Judogikan sa Babilonya.

Ika-86 nga Buluhaton

Kopyaha kining lista sa mga propeta minor. Ug unya pangitaa kining mga basahona diha sa imong Biblia.

Tubag 86

Oseas
Joel
Amos
Abdias
Jonas
Miqueas
Nahum
Habacuc
Sofonias
Haggeo
Zacarias
Malaquias



Mga Basahon sa Daang Pakigsaad

Mga Propeta Minor

Si Oseas nagwali mahitungod sa gugma sa Dios alang sa iyang katawhan sama sa usa ka bana ngadto sa iyang asawa nga maluibon. Gipakita kini ni Oseas pinaagi sa iyang pagpasaylo sa iyang kaugalingong asawang maluibon.

Ika-87 nga Pangutana

Kinsang propetaha ang nagwali mahitungod sa gugma sa Dios ngadto sa iyang maluibon nga katawhan, ug nagpakita niini nga kamatuoran sa gugma ug pagpasaylo ngadto sa iyang kaugalingong asawa?

- a) Isaias f) Amos
 b) Jeremias g) Jonas
 k) Ezequiel h) Miqueas
 d) Daniel i) Nahum
 e) Oseas

Tubag 87



Propeta Minor

Si Joel nagtagna mahitungod sa pagbubo sa Espiritu Santo nga natuman niadtong adlaw sa Pentecostes ug ang mga pagkapukaw nga nanghitabo niining kaulahiing mga adlaw.

Ika-88 nga Buluhaton ug Pangutana

Basaha ang panagna diha sa Joel 2:28,29. Unsa may gihisgotan niining panagna ni Joel?

- a) Ang gugma ug pasaylo sa Dios.
 b) Ang pagbubo sa Espiritu Santo
 k) Ang mga pagpanlupig diha sa katilingban
 d) Ang pagkapukan sa Ninive

Tubag 88

**Mga Propeta Minor**

Si Amos usa ka magbalantay sa kamero nga gipadala sa Dios ngadto sa Israel aron sa pagwali batok sa pagpanlupig diha sa katingban. Gipasidan-an niya ang mga tawo mahitungod sa umalabot nga paghukom tungod sa sala.

Ika-89 nga Pangutana

Ang gipadala sa Dios nga magbalantay sa kamero ngadto sa Israel aron sa pagsaway sa mga pagpanlupig ug sa pag-awhag kanila ngadto sa paghinulsol mao si

- a) Oseas
- b) Joel
- k) Amos
- d) Abdias
- e) Jonas
- g) Miqueas

Tubag 89

Mga Propeta Minor

Ang panagna ni Abdias mahitungod sa paghukom, sa nasud sa Edom. Ang basahon ni Abdias mao ang labing mubong basahon sa Daang Pakigsaad. Diotay ra ang atong nahibaloan mahitungod niining propetaha.

Ika-90 nga Pangutana

Isulat ang mga ngalan sa unang upat ka mga basahon sa mga propeta minor. Linyahi ang nag-sulat mahitungod sa paghukom sa Edom.

Tubag 90



Mga Basahon sa Daang Pakigsaad

Mga Propeta Minor

Gipadala sa Dios si Jonas ingon nga misyonero sa Ninive, apan siya misulay sa pag-ikyay. Gitukob siya sa usa ka dakung isda, busa siya naghinulsol, ug nakalingkawas siya ug unya gituman niya ang Dios.

Ika-91 nga Pangutana

Asa niining mga propeta ang dili unta buot nga mahimong misyonero ngadto sa Ninive?

- Oseas
- Joel
- Amos
- Abdias
- Jonas
- Miqueas
- Nahum
- Habacuc

Tubag 91

Ika-92 nga Pangutana

Isulat ang ngalan sa propeta tupad sa ilang mensahi.

- O ... ang gugma sa Dios.
 J ang Espiritu Santo
 A.....Pagpanlupig sa Katilingban
 A.....Paghukom sa Edom
 J.....Paghukom sa Ninive
 M.....Dapit diin magpaka tawo si Cristo

Tubag 92



**Mga Propeta Minor**

Naghinulsol ang tibuok nasud sa Ninive tungod sa pagwali ni Jonas. Apan sa dihang mibalik sila sa pagkadautan, gipadala sa Dios si Nahum aron pagpasidaan kanila sa umalabot nga paghukom ug pagkagun-ob sa Ninive.

Ika-93 nga Pangutana

Kadaghanan sa mga propeta sa Dios naghatag sa mensahi sa Dios mahitungod sa gugma ug pagtagad Niya sa mga kanasuran. Kinsa man ang mga misyonero nga miadto sa Ninive?

- a) Si Joel ug si Amos
- b) Si Jonas ug si Nahum
- k) Si Abdias ug si Miqueas.

Tubag 93

Mga Propeta Minor

Si Habacuc ug si Sofonias nagpasidaan nga mapukan ug mabinihag ang tibuok nga nasud kon sila dili maghinulsol. Apan nagpabilin sila sa ilang pagpakasala busa nahimo silang mga binihag sa Babilonya.

Ika-94 nga Pangutana

Ang siyam ka mga propeta minor nga nagpuyo sa wala pa mahitabo ang pagkabinihag didto sa Babilonya mao sila si

- O
- J
- A
- A
- J
- M
- N
- H
- S

Tubag 94



Mga Basahon sa Daang Pakigsaad

Mga Propeta Minor

Human mamalik ang mga Hebreohanon ngadto sa Palestina gikan sa Babilonya gigamit sa Dios si Haggeo ug si Zacarias aron pagdasig kanila sa pagtukod pag-usab sa templo.

Ika-95 nga Pangutana

Sa tulo ka mga propeta nga nagpuyo human sa pagkabinihag didto sa Babilonya, kinsa niini ang nagdasig sa mga katawhan pagtukod pag-usab sa templo?

- a) Si Nahum ug si Sofonias
- b) Si Haggeo ug si Zacarias
- k) Si Ezequiel ug si Malaquias

Tubag 95

Mga Propeta Minor

Si Malaquias, ang kinaulahan sa mga propeta sa Daang Pakigsaad, nagpuyo sa 400 ka tuig sa wala pa matawo si JesuCristo. Basaha diha sa malaquias 3:8-12 ang mensahi mahitungod sa ikapulo.

Ika-96 nga Pangutana

Ang kasaysayan nga makita sa Apocrypha nahitabo sa panahon gikan sa Malaquias ngadto kang Cristo. Pila ka tuig ang nagulang sa Daang Pakigsaad ug Bag-ong Pakigsaad?

- a) 40
- b) 250
- k) 400

Tubag 96



Daang Pakigsaad

Dinhi natapos ang talaan sa mga pagpakigsabut sa Dios sa Iyang mga tawo sa ilalum sa Daang Pakigsaad samtang naghulat sila sa pag-abut ni Cristo ug ang iyang Bagong Pakigsaad.

Ika-97 nga Buluhaton

Tun-i pag-usab ang Propeta Minor hangtud sayon kining sag-ulo-hon ug sayon pangitaon. Balika usab pagtuon ang ubang mga libro sa Daang Pakigsaad ug bansaya nagimong kaugalingong hangtud makita nimo ang tagsatagsa nga walay kalisdanan.

MGA HUSTONG-TUBAG ALANG SA LEKSYON 5

Tubag 54

k) Ang Pentateuch

Tubag 55

d) Si Moises nga bantugang pangulo sa mga Israelinhon.

Tubag 56

a) Genesis

Tubag 57

b) Exodo

Tubag 58

k) Levitico

70

Tubag 59

Genesis
Exodo
Levitico
Numeros

Tubag 60

Genesis
Exodo
Levitico
Numeros
Deuteronomio

Tubag 63

a) Josue

Tubag 64

k) 400 ka mga tuig sa Canaan ilalum sa mga maghuhukom

Tubag 65

Ruth

Tubag 66

Genesis, Exodo, Levitico Numeros, Deuteronomio, Josue, Mga Hukom, Ruth 1 & 2 Samuel

MGA HUSTONG TUBAG ALANG SA LEKSYON 5

Tubag 67

- b) I Mga Cronicas

Tubag 68

- k) Human sa kagawasan sa mga Hebreohanon gikan sa pakabinihag sa Babilonya.

Tubag 69

- a) Pagtipon sa tanang mga basahon sa Daang Pakigsaad sa iyang panahon.

Tubag 70

- a) Esdras, Nehemias, Ester

Tubag 72

- b) kasaysayan sa mga Hebreohanon

Tubag 73

- d) Job

Tubag 74

- b) 150

Tubag 75

- b) Gisulat ni Salomon ang mga Proverbio, Ecclesiastes ug ang Awit ni Salomon.

Tubag 76

- k) Mga Proverbio

Tubag 77

- k) Gibuhat sa Dios ang tawo aron sa pag-alagad kaniya ug ang Dios ra gayud ang makatagbaw sa tawo.

Tubag 78

- Job
Mga Salmo
Mga Proverbio
Ecclesiastes
Awit ni Salomon

Tubag 79

- k) Nakadawat ug mga panan-awon gikan sa Dios.

Tubag 81

- a) Isaias

Tubag 83

- d) Lamentaciones

Tubag 84

- b) Ezequiel ug Daniel

Tubag 85

- Isaias
Jeremias
Lamentaciones
Ezequiel
Daniel

Tubag 87

- e) Oseas

Tubag 88

- b) Ang pagbubo sa Espiritu Santo

Tubag 89

- k) Amos

Tubag 90

- Oseas
Joel
Amos
Abdias

Tubag 91

- e) Jonas

Tubag 92

- Oseas
Joel
Amos
Abdias
Jonas
Miqueas

Tubag 93

- b) Si Jonas ug si Nahum

Tubag 94

- Oseas, Joel, Amos
Abdias, Jonas,
Miqueas, Nahum,
Habakkuk, Sofonias

Tubag 95

- b) Si Haggeo ug si Zaccarias

Tubag 96

- k) 400